

Opuscula

Epistola

COLOSSUS
IMMORTALIS GLORIÆ,
IN REGNO POLONIÆ,

sublimi Meritorum Culmine

Orbis Fastigia excedens.

S E V

Insigne Avitæ CRVCIS INSIGNE;
CELSISSIMI PRINCIPIS,
ILLUSTRISSIMI & REVERENDISSIMI DOMINI,

D. THEODORI

IN POTOK

POTOCKI,

DEI & Apostolicæ Sedis Gratiâ

ARCHIEPISCOPI GNESNENSIS,

Legati Nati, Regni Poloniæ & Magni D. Lithv.

PRIMATIS,

PRIMIQUE PRINCIPIS,

ARCHIABBATIS Tynec: COMMENDATARIII:

*Cui Præclarissima, generis splendore, ac Virtutum pro Ecclesia &
Patria fascibus supereminens, Celsissimæ DOMUS POTOCIANÆ*

Prosapia inscribitur,

in Solemni ad Metropolitanam Sedem

Gnesnensem ingressu,

à Regio Archi-Cænobio BENEDICTINO Tynecensi

E R E C T U S,

Anno

Quo, CRVCIS in signo, mundi Victoria parta

1 7 2 4.

C R A C O V I Æ,

Typis, Viduæ & Hæredum Francisci Cezary, S. R. M. Ordinarij Typographi.



De CRUCE, consurgit potocianus Honor.

LEO S. BENEDICTI

Hoc CRVCIS ut regnet Solium, fascisque perennent,
Peruigil attendet fortis ab ungue LEO.

CELSISSIME PRINCEPS.



Ad Primatiale CRVCIS Tuæ exaltationem cum Leone nostro Benedictino adsumus. Ille, ut ante hunc Pro-Regium excubet Thronum: nos, ut ante hanc honoris Aram, nostra nuncupemus Vota. Sed dum Eminentissima Avitæ CRVCIS CELSIT VDO, generis præstantiâ ac Virtutum excellentiâ, siderum attingat apicem, demissa subjectionis nostræ nequit Eam attingere palpebra. Solis etenim Iustitiæ Horoscopo, tuus (in quo videre est splendidissimas Numinum ac Nominum Majestates) dedicatus Gloriæ Colossus, excedit Orbis fastigia: ac indefesso Virtutum, in horarum momentis, progressu & ascensu, culmen ascendens Olympi, splendorum adeò coruscat radijs, ut quicquid in Orbis Theatro admirabile est, in comparatione Tui Luminis, umbra fiat. Fam pridem Rhodiæ faces, quæ non tam mortalium oculorum, quàm mentium acuerant aciem, ante Lucis tuæ jubar in Ecchysim abièrè, ac obscuris propterea Orbem involvèrè tenebris. Aut si celebria licet, vana tamen, inter Ægyptios Regum ac Principum fascès, intueamur magnitudinis Argumenta, in eis prorsus deterfus est subumium gestorum sudor, ac inanis gloriæ splendor extinctus, generisq; præcelsi dejecta Magnitudo. Tu solus, Celsissimus Principum Apex, in DEUM usq; elevaris! quem in simulacrum Sanctimonie, Religionis integritas, zelus Ecclesiæ, Amor Patriæ, furium Reipublicæ Polonæ defensio, ac omnium efformavit congeries Virtutum, quæ Aulæ Tuæ Archipræsuleæ, totiusq; Celsissimæ & Illustrissimæ Prosapiæ Tuæ, splendores sunt, ac assidua in DEUM manudu-
dio. E Primatiali insuper CRVCIS Tuæ Columna, singulare suscepit Gnesnensis Cathedra fulcimentum, magnanimumq;

nutantis Regni Poloniae Atlantem: nec tutiorem alibi Regalium
Aquilarum NIDVS, quàm in glorioso AVGVSTÆ
CRVCIS Tuæ trophæo, inuenit Pacis Asylum: ex quo,
Divini Luminis contemplatur Solem, Procerumq; suorum Pullos,
tenacissimo Ibemidis appendit examini, fideiq; ac Legum fidos
probat, in DEUM & Patriam genios. Aut si qui caligante
aspectu degeneres animi, trepidæq; pro Patriæ constantia produn-
tur imbecillitates; tunc ex hac trutinante CRVCIS Libra,
Regina volucrum, explorat meritorum fastigia, demeritorumq; de-
scensum. Obeliscum itaq; sæculorum, Cæli terræq; Prodigiorum
Portentum, triumphale semper Avitæ CRVCIS Tuæ Laba-
rum, non tantum Primatiali, sed Abbatiali etiamnum resplendens
Pectoris Sacrario, in Tuæ Augustæ Majestatis augem, atq; no-
strum, non hodie primò benedictum gloriæ ereximus monimentum;
quod jam ante immensas Regni Poloniae meritorum altitudines,
inter sublimes Illustrissimæ Tuæ Stirpis, ac immortalium totius Or-
bis Procerum vertices, celsissimo assurrexit Principatu. Parum
enim esset Celsissimæ Domûs POTOCIANÆ pro
Ecclesiæ & Patriæ defensione, è Regni Poloniae duntaxat fasci-
bus, huic inferre COLOSSO summitates, quæ generis præstan-
tiâ, ac gloriæ fastigiò, tot Regna condecoravit, quot in illis ad-
huc è POTOCIANO Marte perstant heroicarum Virtu-
tum lineamenta. Patiare Celsissime Princeps collectam, ac
huic immortalis inscriptam CRVCIS COLOSSO emphasim tui
honoris, cui nostram æternæ gratitudinis subijcimus anathema. Pro
Regni interim votis, Antistitem Celsissime, coram hac altissima
CRVCIS Ara, litabis Hostiam, hostibus inscrutabilem paraturus
Abyssum.

Ita Ominatur precaturq;
Celsissimo PRINCIPATUI

Nomine Devotissimi Archicænobi Tynecensis

humillimus servus

P. Benignus Buckowski Benedictinus Tynecensis.

COLOSSI IMMORTALIS GLORIÆ INSCRIPTIO I.

Initium Cellissimæ Domus POTOCIANÆ, à signo CRUCIS.

Ingredere Benedicte Domini!

Expansis in CRUCE Tua brachijs,
obvius salutat Honor.

Templum Honoris paratum est:

Veni! & esto PRINCEPS noster!

ut à Patre Patriæ, Regni dilectio,

à Principe Pacis, Reipublicæ concordia,

à Capite, Valetudo,

à CRUCE, Salus ingrediatur.

Tria Te Primum, Principaliora

Avitæ CRUCIS brachia, PRINCIPEM,

in Templum ducunt Honoris:

Pro Regem Regni, Regumq; Coronatorem: Regia Regni Corona:

Primum Senatorum Principem: Ducales Mitræ, & Purpuræ:

Antistitum Archipræsulem: Pontificales Scipiones.

Triplex similiter annuli pretium,

Te formosum, Sponsæ Ecclesiæ, in annulo Pontificio desponsatum
commendat Sponsum:

Pro-Regiâ decoratum coronâ, Virtutumq; varietate amictum,

Aurea Principum Sapientia,

lucidissima Sacerdotum Gemma,

æterna immortalis Gloriæ Sphæra.

O esto Sponsus dierum! in annos interminabiles!

quoniam non in Perplexæ CRUCIS semita,

commissas à Pastor Sacerrime, Oves,

ad Cœlestes ducis Agni Nuptias.

Portæ triumphales, lumine CRUCIS signatæ,

Illustrissimo Tuo Nomini patent,

cujus in Potenti Virtutum dextera,

non una, Regno Poloniæ, Ianua honoris aperta.

Unde

In signum & Portentum Gloriæ Nominis Tui,
quo DEO approximaris, Ecclesiæq; superemines & Patriæ,
gloriosam Tuam ereximus CRVCEM.

Accipe Primatiale Regnum decoris,

Regnum omnium seculorum:

Qui Primarius Regalium diadematum fulgor emines & nitor.

Accipe Archi-Præsuleum Sacerdotij Regnum,

ut solium gloriæ teneas:

Talis enim decebat ut nobis esses Pontifex!

*cujus in CRVCE, nullus dolor; cuius in Tiara, nulla elatio:
cujus in Purpura, optimus sanguis; cuius in Annulo, lapis sine offensione:
cujus in Pedito, fulcrum sine calu; cuius in Cathedra, Oraculum Veritatis:
cujus in Aris, Iupiter absq; fulmine.*

**Atq; hoc ut possis certis dignoscere signis,
CRUX Tua, Regnorum fastigia summa tenebit,
Quæ terris fulget, cœlisq; potenter inhæret.**

Ascende Thronum Gloriæ, Pro-Rex Primasq; Regni!

Ascende Rossis ADALBERTI Purpuratam Archipræsulum Cathedram,

PURPURA PRINCIPVM!

CATHEDRA HÆC

non ultima est Tuæ Majestatis Eminentia!

**Cui per Avita ternæ CRVCIS fastigia, Cœlis ipsis excelsiori,
Tritregium, Summumq; debetur Pontificium.**

Ingrederere Benedictionum Bajule!

Quæ, in Avitæ CRVCIS libra,

**maximum gravissimorum de Ecclesia & Patria, pondus habent meritorum:
quoniam in Te THEODORO, inestimabile ponderatur Donum DEI.**

Quam gloriosus est, in Primatiale Majestatem ingressus!

dum ab Avitis gloriæ CRVCIBVS,

& CRUX Archipræsulea gloriosior facta sit,

& Ecclesiæ Cathedra ornatior,

Senatusq; Consilij Curules, felicitate firmentur,

& Populorum vota, benedictionibus augeantur.

Tu Patrem, Regemq; geras, Tu consule cunctis,

Nec Tibi nec tua Te moveant, sed publica vota:

Parcere subiectis & debellare superbos,

Principis est virtus, pulcherrima Regis imago.

Ad

Ad Triumphale

Gloriosæ famæ signaculum, Signumq; CRVCIS,
per quod Terrestria Celsissimæ Domus POTOCIANÆ

Cælis eriguntur Numina,
Spectator etiam adest, Gentilitius Divi BENEDICTI Leo.

Etenim hoc signo,

quo Nobilissimæ alti Sanguinis evehuntur Purpuræ,
& solemnes rerum gestarum celebrantur triumphi,

Magnanimus excitatur Leo.

Adeò per Orbem terrarum, præclarum est hoc augustissimi

Nominis signum;

ut omnibus etiam Angustis audiatur, quamvis non capiatur, in Angulis.

Permitte PRINCIPVM CELSISSIME,

Leoni ad CRVCIS Tuæ Solium Aditum;

inspiciet ille, in hoc Gloriæ Colosso,

unam Majorum, ex quibus maximi oriuntur, Procerum Imaginem:

ac in gloriosa CRVCIS Ara,

Tuorum fiet sollemnis honorum victima:

videbitq; quia in CRVCIS signaculo,

Annulis signata Pontificum, Clavis notata Ducum,

Purpuris depicta Principum, Scepbris ornata Regum,

Pomis impleta Imperatorum, Domus est POTOCIANA.

Perleget ille Leo, fortissima emeritorum emblematum insignia,

dicerq; POTOCIANAM Domum,

Conspiciam, Coronæ Regni Poloniæ, Regiam esse,

Regnorum insignitam coronis:

Quæ, in Avitæ CRVCIS eminentia,

colligatos Summorum Caputum Apices,

fortissimæq; maximorum Pectorum brachia,

strictissimo conjunxit fædere:

ac altissimæ Prosapiæ, Rubicunda cruore,

in augem Gloriæ, Celsissimos evexit Purpuratos.

Agnoscit enim universus Orbis,

DOMVM POTOCIANAM

Augustale Regum esse, & Procerum Archipelagum,

ex quo, pretiosissimæ Regnorum Coronis, parturiuntur gemmæ.

Permitte PRINCIPVM CELSISSIME,

Permitte, Leonem hunc, tuis decertaturum triumphis:

Bellantium etenim hic Rex, coram quo tremunt Elephantes,

in campo Martio, Bellico fortior erit Ariete.

Aurea Tuo Imperio, Imperatorum addet poma,
quæ melius in florida gustavit Eremo.

Vigil ille Leo

in Annulo Pontificio, Solem diem, noctisq; contemplabitur Lunam;
tuoq; Illustrissimi Nominis delectabitur sidere.

Quia gravissimas illas in aureo ponderabit Annulo gemmas,
quæ auream nunquam deprimunt Patriæ libertatem.

in Tua PRINCIPALI Purpura,

Illustrissimum hauriet sanguinem;
nec tamen tantæ valebit extinguere gloriæ sitim.

In Archiprasulum Tiara,

illos sentiet laborum pro Patria sudores,
qui nunquam à natali gloriæ poterunt abstergi Fascia.

In Pedit Pontificio

illam summam venerabitur Potestatem,
sub ejus pedibus, subjecta sunt omnia jura Regnorum.

Ad Pontificiam silebit Cathedram:

tanquam ad Delphicum veritatis Oraculum:
nec audebit rugire, nisi in furdas hæresum Aures.

Adest ecce Leo BENEDICTIVS!

Ad Proregium Avitæ CRVCIS Solium,

tanquam ad Prodigiousum Salomonis Thronum festinat celerius;
ut imperterritus vigiles gloriæ Tuæ agat excubias.

& compositus ad modestiam,

Tuam ô PRINCEPS exornet gravitatem.

Ecce Leo Princeps! oculis quia dormit apertis,

Pro Regum idcirco ponitur ante Thronum.

Hic sustentabit Tua PRINCEPS Sceptra guberni;

Et Majestatis maximus ultor erit.

Hostibus incutiet terrorem, voce fremente,

Atq; CRVCIS signum, fidus ad astra vehet.

Magnanimus ille Regum, Legionumq;

sub CRVCIS Tuæ Clava Genius,

clavum Gubernij Tui,

fortissimis clavorum vindicabit ungvibus;

& audax in hostes irruet,

nunquam sine Hostia, nunquam sine præda,

pro Gloria Tuæ CRVCIS, triumphator

Melleumq; semper Polonia sapiet sæculum;

invenietur enim examen Apum, in ore Leonis illius sapientis.

CRV.

CRVCIS Tuæ diademati, nullos spinarum intertexet aculeos,
quamvis in eis volutabatur;
in eis enim Rosæ Reginæ spectantur,
Quæ inclyti Purpuræ sanguinis, & Coronas exhibent triumphales:
illisq; spinis, velut radijs,
Divinissimam MAIORVM TVORVM adumbrabit Imaginem.
Rugitu suo Cœlum provocans,
in Tuas inclinavit Tiaras:
nam diu à Superis eam exoravit Sortem,
ut Tuam ô PRINCEPS adoraret Purpuram.

Etenim,

si terrestrium velimus Numinum fascias fascibus colligere,
Procerumq; titulos titulis inscribere,
illa indelebilia gloriæ ornamenta,
stupenti contemplamur oculo,
in Celeberrimo POTOCIANÆ Domus Honorum Templo:
Vbi per Majorum Imagines,
Maxima, Orbi præsentantur, elegantium Virtutum Exemplaria.
Antequàm Regnorum Regina, Regumq; Parens,
Mater honoris, POLONIA,
diademata parturiret;
jam POTOCIANÆ Domus vertici, debebantur Coronæ:
In cujus gloriæ fundamentum, & benedictionis bazim,
Lapis Angularis, sub Avitæ CRVCIS honorum pondere,
à Cælo demissus.

Quia Domus benedictionum plena, non potest esse sine signo CRVCIS.

Prosapia POTOCIANA

Imbecillem Infantiam non habuit,
quæ robore CRVCIS armata,
Fortissimos Hæctores & Achilles edidit Duces.
Vt vel inde Angusto pateat Orbi, immensos adhuc brevibus in fascijs
regnasse fasces.

Majorum Majestatum,

de quibus Maxima resplendent Numina,

Imago est:

Cujus Aspectus, adhuc in Poloniæ infantia, matura Heroum
eminebat fronte.

Conclave Præcordiorum est:

Cui clavis confixum, ita Divinum inhæret Numen,
ut à POTOCIIS avelli non possit Aris.

In quibus, Majorum Imagines, Illustrissimæ sunt Cerae,
quæ nullum habent perituræ gloriæ fumum.

Nullamq; vetustissimi patiuntur honoris ecclipsim.

De radijs LUX nata CRUCIS

Quæ Lumina terrestriū Numinum, ante Lechici Poli Phosphorū genuit,
è lumine gloriæ venit.

Domus est Stelligera,

Circa cujus honorum apices & axes, velut immobiles Regni cardines,
totum Orbis Poloni movetur Cœlum.

CRVX Hæc Avita,

In POTOCIANO Purpurati Sangvinis Eridano,
Anchora est: quæ Navim Regni,

Aureo Serenissimorum Regum vellere onustam,
inter contrarias detinet classes & fluctus.

CRVCIS POTOCIANÆ brachia,

sunt firmissa Regni fulcra,

sub quibus victrix triumphat Polonia:

Duales sunt Moyfis elevatae Clavæ:

quæ dum gloriosa sublimantur fortitudine, nunquam remitti possunt:
nam hæc brachia CRVCIS, in Regum ac Principum lineis juncta,
benè cōadunatum habent gloriæ culmen.

CRVX hæc Bona,

Malus est: bonis ethesijs, lætis avibus, Cursum olympiacum
laborum Reipublicæ, ad portum Pacis & metam deducens coronarum.

Cathedra est: de qua sumus

Edocti, non posse capi nisi de CRUCE Cælum.

Via est honorum Appia: Via Aemilia: Via Triumphis trita:
quæ gloriæ monumentis, sub Avitæ CRVCIS ornatur Colossô.

Domus POTOCIANA,

Martis Progenies est, Mortem nesciens:

nec immerito, clavâ honoratur CRVCIS, ut in CRVCIS vivat vita:

ut ad clavos honorum, & ad gubernacula crescat Regnorum:

ut emineat Augustis Imperatorum Diadematibus,

sublimibus Regalium Majestatum Thronis,

eminentissimisq; Pontificum Purpuris:

ut superæquet natalium fastigiô

Iulios, Pompejos & Alexandros:

Sapientiâ Salomones, Fortunâ Cyros,

Opibus Asveros, Ditionibus Macedones,

Populis Xerxes, Fortitudine Hercules,

Fascibus Patricios, Gloriâ Tarquinius.
Erigitur in Gloriosam Procerum Idæam;

ut præsentem semper agat Cæsarem & Regem:
In Bello Alexandrum, in Victoria Constantinum,

In Pace Octavianum, in Senatu Trajanum.

In sublime Lechicæ Gloriæ Cælum, attollitur CRVX POTOCIANA,

Quæ prius à Cælo demissa fuit:

Virtutum nempe Magnanimitas, & fortitudo de Cælo venit:

quæ viribus invicta, fatoq; Major, sola perennis est.

Legat Cælum

Celsissimæ Domus POTOCIANÆ, Virtutum de Virtutibus ascensum,

quæ Cælo coronandum intulit Caput:

Cujus Gloriosa Propago,

dum à floridissimo ZIROSLAVIORVM, Magnorum Procerum
palmitè, propagatur: palmas Victoriæ nunquàm amittit.

Sub BOLES�AO adhuc Audace

cathæfractis induta decoramentis,

Principum promeruit Purpuras.

Satis audax ZIROSLAVIVS terruit hostes,

dum totum terruit Orbem.

Serenissimorum demum Poloniæ Regum æstimatione,

BOLES�AI CRISPI & CASIMIRI IVSTI,

probata imperterriti Martis, strenuæq; pro Patriæ coronide,

quæsitæ Corona justitiæ, CRVCIS insignitur Labarô,

ut in una generis dilatatione, tota Regnorum explicetur gloria.

ZIROSLAVIVS Genius, primus inventus Vindex honoris,

nullô periturus ævô,

plus quàm Fortissimus Carthaginiensium Dux,

primus ad Fortalitij portas Annibal,

primas semper hostium confringens Acies,

hostias & Aras primæ promeruit laudis.

Integritatem Regni, divisionibus subducens cladium,

unus in Lufu, contra ROXOLANOS, Martis,

omnes Regni elusit hostes.

Quoties ille in Hostes, Lechicus fulminabat Iupiter,

toties emeritæ coronæ, conceptas ex Cruorum Oceano

collegit gemmas.

In duplici PRVTENORVM clade,

quot capita ceciderunt,

Tot ZIROSLAVIO vertici subjiciebantur Coronæ.

Hostis erat in caput hostium,

qui antequàm capita amisissent, jam ei Coronas deferebant.

Sub CASIMIRO FUSTO

Duplici CRVCIS clypeò, justitiæ emeritum roboratur pectus,

Coronaq; Justitiæ, CRVCIS insignitur honore.

O verè ZIROSLAVIVS, bellator fortis!

pro scissis Regni præcordijs, cor infractum!

Ex ferro, quo vicit, triumphali, auream Patriæ libertatem,

ferreumq; subjugatis hostibus, intulit jugum.

Ex ungvibus *Aquilæ Prutenæ*, ipse fortior in Vngve Leo,

Gladium quem Victor eripuit,

Regali Poloniarum Volucris reportavit:

quo licet hostes reddiderit elingves,

sua tamen gloriæ, sat vocales effecit hostias.

Hic est qui primus compresserat hostibus ausum,

Non sibi sed Patriæ, spoliū de robore Martis

Accumulans laudis: victoria plaudat Achat!

Tertium medium Avitæ CRUCIS brachium,

à Regni Monarcha *CASIMIRO FUSTO*,

justò gratitudinis collatum titulò,

fortissimam repræsentat dexteram,

quæ Hercule validior,

detestanda fidei jugulavit monstra:

profligatæq; perfidiæ, succisis multis in Hydra cervicibus,

Æviternum gloriæ erexit anathema.

Ex cladibus hostium, hostiarum cælis intulit Colossū;

quia zelum Domini, Cælo legendum præsentavit,

Martemq; & Artem, terris immitandum exaravit.

ZIROSLAVS à laude prognatus,

meritorum tributum habet ab Origine obstrictum;

Thura Dij capiunt, homines sed munera laudum.

Vnde meritis enutritus, nonnisi laudibus ali debet;

quia necdum vivere desijt,

licet vitam mutaverit.

Lares ejus domestici, sunt Immortales Inquilini:

Laus, Honor, & Gloria.

Sed

Sed Justitia, quæ de Cælo respicit meritorum pondus,
POTOCIANÆ Domus dignitatem, in **CRVCIS** ponderat balance:

consciaq; sibi quia per **CRVCEM** Victrix,
Avitæ **CRVCIS** Trophæum, in Lumine Sanctorum, Victriciumq;
signorum Honorario, ultra æternitatis apices extendere prætendit:

Tertiamq; alteram Emeritæ **CRVCIS** addet partem,
ac in parte **DEI** hæreditariam, Ligno conjunget Vitæ.
Hic est hæreditarius, ZIROSLAVII Ducis,
pro Patria certantis,

nunquam delendus fudor & honor:
Qui se in amplissimū **POTOCIANÆ** Domus diffundit Eridanum:
Ex quo Principes Regnorum oriuntur Soles.

Inter quæ Lumina,
Tu Principum Celsissime, Primasq; Regni,
Luminare Majus:

Sub cujus amano prospectu, Polonia, nunquam tristem vidit diem:
quia primo **PRINCIPI**, tanquam Primo adjuncta mobili,
immobilis ab illo & inconcussa perstat.

Ex hoc POTOCIANO Archi-Pelago,
Cultissima Principum Gemma, pretiosissimusq; exurgis Vnio Regni:
Summoq; **CRVCIS** albæ coruscans honore,
candidum efficit Reipublicæ Senatum.

CRUX nimirum alba, in Campo Cæruleo,
Angelicæ Innocentiæ, Cælestiumq; Virtutum explicat nitorem,
ut vel inde Sol Justitiæ,

In splendidissimo Avitæ CRVCIS Zodiaco,
Cursum peragat benedictionum,

lustretq; & numeret multitudinem stellarum Illustrissimæ

Prosapiæ POTOCIANÆ,

Omnibusq; **POTOCIIS** Proceribus, magna nomina vocet.
Ast harum nitidissimarum Stellarum principalis Corona es,
Celsissime Principum,

Regum Coronator!

quia quot Luminum splendores in illis conspicui sunt sideribus,
tot Numinum recensentur tui Pontificij annuli Adamantes.

Extensio Partium Avitæ **CRVCIS POTOCIANÆ**, trina quidē sit,

D

ta-

tamen in ordine ad locum,
extendit se ad quatuor mundi Partes.
Quæ CRUX Nobilissima,
cùm primum sit gloriæ prædicatum,
& radix cæterarum eminentiarum,
illas omnes naturæ dotes, extensas habet in se:
adeoq; mensurâ indivisibiles.

Quantitas Magnificentiae Avitæ CRVCIS,
cujus partes copulantur pretiosissimi generis, lineis,
magis quidem suscipit, sed minus non;
quia conjunctus in illo Originis Solio Sangvis,
cum Cæsarea PALÆOLOGORVM, in Oriente Purpura, rubuit:
& adhuc in ROXOLANIÆ Monarchis, cum Serenis: MOSCHOVIÆ
Majestate resplendet, per Illustrissimam SOLTICORVM Sangvinis
conjunctionem: quæ etiam Daciæ Sceptra, Ducumq; VALACHIÆ
& MOLDAVIÆ pulcherrimo colligavit nexu.
Nec non Celsissimus POTOCIANÆ Domus Sangvis,
à maximis Purpuratorum profluens Venis,
ita in altum gloriæ ebullit Profluentem,
ut etiam Regiæ SOBIESCIORVM intinctus coronæ gemmis,
Purpurato Orbis innatet Oceano:
ac usq; Hispaniæ, Lusitaniæ, Hungariæ, Bavarîaq; verticibus eniteat.

Vnde Avitæ CRVCES, tot Coronis insignitæ,
Expressa sunt signacula Regnorum.
Nec nō POTOCIANA avitæ CRVCIS diademata

præstantissimis ornantur Lilijs,
per floridissimos Regnorum Galliæ Comites de ARQVIAN:
adeo conjunctis Majestatum evecta, contextaq; coronis,
ut nullum invidum valeat hostis, innectere aculeum,
ac ultra tot Purpurarum anges,
nisi Triregium summumq; Romanæ Urbis restet Pontificium.

Ad quod capiendum,
tot Majestuosæ Vestigia, tritam ostendunt Viam.
Quare Principum CELSISSIMÆ,
CRVCIS Avitæ Celsitudo,
Solum Tuum est super omnes Principes:
Splendor & Virtus illius,

in Annulo Pontificio pro Adamante fulget:
Cujus. benedictio,

Venenosas Patriæ Lymphationes, metusq; vanos,
ex Heroum mentibus abigit:

Martemq; Regni rupicâ tegit adamantina,
ut infraetus & invincibilis ejus vigor,
non tam in sua, quam in Tua, vincat fortitudinis dextera.

Mentis itaq; CRUX medicina est.

In Te Vno THEODORO, Donum DEI scimus:
atq; in Te Vno Dono,

Opulentissimum Fortunæ Gazophylacium,

Tota facta est Polonia:

minus dixerim:

dum à DEO donatus, Te ipsum dones in Patriæ Patrem,
primumq; Regni Poloniæ pretium.

Ac ideo Te pateris in primum extolli Principem;
ut primo clementiæ vultu, omnibus præluceas.

Suscipis Principatûs CRUCEM, super humeros;

ne ignores in pignore CRUCIS, cum fœnore pretij,
commissam esse Tuis viribus, Regni salutem.

AVITA CRUX Tua, vitæ lignum est,
in medio Lechici Paradyfi,

à quo vita Regni pendet immortalis;

quoniam fructus honorum Tuorum,

insatiabilem adferunt Gloriæ gustum,

Nativa CRUCIS Tuæ eminentia,

attingi non potest condignis laudum gradationibus,

Cujus immenta sunt benevolentiarum brachia:

Cujus Virtus, mensuram nescit gratiarum.

Nam Princeps natus,

nativam complex Principalis beneficentiæ Principum congeriem.

Vnde Primatialis Purpuræ Murex,

Assyrio amictu Majestuosior,

Tuo non suo rutilat splendore Major;

postquam tantæ induerit æstimationis Principatum.

Gloriosus CRUCIS Tuæ Arcus,

in Orbe Lechico

Purpurea Gratiarum Iris est:
Nempè

De CRVCIS hoc signo, novus alti sanguinis imber,
Et benedicta nimis de CRVCE vita fluet.

O D E

PRæclara Regum stemmata: Sanguinis
Illustre Nomen: Cui Atavum genus,
Affine Cælum colligavit,
POTOCIANA Domus, stupenti
Remonstrat Orbi. Læomedontie
Propago Stirpis, gentis honos (cui
Fortuna terris in Deorum

Principio, generis dicavit
Primum theatrum, nescia gloriæ)
Vidit ruinam: præcipiti gradu,
Themistocles cum Xerxe lapsus,
Nominis immemori sepultus
Facet Colosso. Sed Tua Principum
Præcelsæ PRINCEPS, progenies CRUCIS,
Qua Vita crevit tota, flore
Perpetuo viret atq; vivit.

Hæc alta CRUX, frondet Platanus comans,
Sub cujus umbra, Regna quiescere
Spectamus: est & Palma Victrix,
Fulmina qua trepidant minacis
Mævortis. Hæc CRUX, Regius est Thronus,
Rex Magnus, in qua judicat arbiter,
Regniq; concludit Tribunal,
Fœdera tum benè pacis armat.

Infige Cælis, hoc Labarum CRUCIS,
Est terra punctum: sideribus patet:
Immensa Majestas Olympi,
Huic Labaro sua signa junget.

COLOSSI IMMORTALIS GLORIÆ INSCRIPTIO II.

*Maxima, in Ecclesiam & Rempublicam, insignium gestorum
POTOCIANÆ Domus merita celebrantur.*

CELSISSIME PRINCIPUM!

Quos Honor genuit, Matre Bellona,
Quos Innocentia lactavit, Nutrice Sanctimonia;
Quos fortitudo educavit, munifica Liberalitate,
Quos Justitia erudit, de Cælo prospiciente fidei Magistra,
Quos Libitina vidit immortales Herodæ,
POTOCIOS habemus Proceres.

Quot in Eis gloriosa prædicantur facta,
tot illis honorum recensentur victimæ:
Quot hostes straverunt, tot aras meruerunt.

Nimirum:

*Victima que dextrâ cecidit Victrice vocatur,
Hostibus à domitis, Hostia nomen habet.*

Et quos ab inversione Avitæ CRVCIS numeramus gloriosos triūphatores,
Eos, exaltationi Tui Nominis, attollimus, honorum Imperatores.

Nam venerabilior de CRUCE surgit honor.

Primam, Patris Patriæ,

Tuiq; Sangvinis adoro Purpuram,

ILLVSTRISSIMI DOMINI,

PAULI POTOCKI,

CASTELLANI KAMENECENSIS.

De cujus Rupe & Petra, excisum est excelsum Honoris Tui Solium.

Patrisq; gloria, spectatur in Filij Majestate.

Nam RUPES illa,

Auream, in Regno, PATRIS TVI Sapientiam,
ex Aurifero POTOCIORVM Numinum Pactolo emersam,
plus quàm Lydius æstimavit genius:

E

unde

unde & *Rupes illa*, in Senatorum Subsellis,
ob emeritos tanti Viri gradus,
non unum inæstimabilis gloriæ meruit ascensum.
PAVLVS Hic, in gladio suo fortissimus Gedeon,
quoties Geticas perstrinxit acies,
toties Othomanicas infregit Portas.

Imò spiritus Ejus, licet ad Regni Cælestis volârit Phalanges,
vivit tamen adhuc in corpore Reipublicæ;

edò quod gladiò armatus,
immortalis fulgeat ante Lechicum Paradysum *Cherubin*.

*Quod enim cor est in corpore animantis,
hoc est, Princeps in Republica, cor immobile.*

Ex cujus primo connubiali, cum Illustrissima JARMOLINSKA,
gemmafero annulo, illuxit Orbi inæstimabilis Pyropus,
Illustrissimus STANISLAUS POTOCKI,
CASTELLANVS KIOVIE.

Hujus magnificentiae pretium, quamvis ab invido Cælo ereptum terræ,
ac inter siderum collocatum fasces: tamen in superstite sanguine
rubent adhuc, lucidissimi carbunculi: qui Regiæ
SOBIESCIORVM Purpuræ, majestuosam addiderunt lucem:
aureisq; clypeis, gemmeas inferuerunt Cruces.

Ex secūda connubiali, Illustris: SOLTIKOWNA,
Serenissimorum *Moschovæ Imperatorum ac Principum* Aurora,
Nativi oriuntur Soles:

à quibus Serenissima Respublica meridiem,
campusq; Martius uberes perpetuæ felicitatis accepit Myriades.
Ex illo nempe connubiali vinculo & nexu,
gravissimi assurrexerunt manipuli, & Messēs honorum.

Quorum Tu Prima Lucis Purpura,
Primusq; *Odor Agri pleni, cui benedixit Dominus:*
Prior in Donis & Major imperio Ecclesiæ,

Primumq; Donum DEI,
CELSISSIME PRINCEPS,
ARCHIPRÆSVL GNESNENSIS,
Regni Poloniae Primas, Primusq; PRINCEPS es.
Illu-

Illustrissima etenim Principum
MATER TU A,
Arbor honoris & exoptatæ spei,
non potuit nisi excelsos honorificentiae, ad sidera, attollere ramos:
Nam Palma Cælis brachia collocat,
Laurosq; necens dedicat inclytos,
Messēmq; fructumq; alnum honoris,
Parturiunt bene culta prata.

Vix Te, Purpureis è Principum Cunis, Lucina levavit,
& jam tenebris exemptum aspexit ortum:
paremq; Numinum Iovi partum adoravit,
nascere (inquiens) Magne Puer, cara DEVM Soboles.

Ita enim doctis baptizatus fontibus,
ætati adoleveras & Sapientiæ,
ut Apollini potius, quam ille Tibi, laureas explicares.
Nam Canon, & perfectæ vitæ videbaris Regula,
quasi à Tuo Pallas prodijisset cerebro.
Perspexisti Provinciarum Climata: quæ ramen Tuo perspecto Virtutum,
sunt illustrata splendore.

Dum in Patriam redires Virtute provectior,
statim Te Patriæ Patrem obvius salutavit Honor.
Culmenfes tiaræ, necdum Supremum fuerant Tuæ Gloriæ *Culmen*.
Nec Varmienfes & Sambienfes Cathedræ, Tuas emetiri poterant laudes.
Adeoq; in Primatialē eveheris Pro-Regis Thronum.

Ardet in Varmiensibus Aris, quas crexisti,
Præfuleus erga DEVM zelus & ardor,
Plus quam Vestalis Lucerna.
Avitæ Tuæ CRVCES absq; cruciatu, versæ sunt in dulce lignum.
Ex quibus *Pastor & Rector Animarum*, Salomone gloriosior,
veram Ovibus Tibi commissis,
velut de lignis Libani, escam parasti.

E Divinissimi, Societatis IESV, Patriarchæ cineribus,
inextingvibiles in DEVM flammæ excitasti,
postquam Societatis IESV Luminibus Sanctis,
quæ non tantum Indiarum, sed & Orbis totius tenebras illustrârunt,
Solemne, in Varsaviensi Urbium Corona,

Pantheon erexisti:
ubi fidei firmes Propugnacula,
& celeberrima fulminum Numina,
contra Lutheranam augeres Hydram.
Sed & Tuus Seraphicus Ardor
in Angelico Divi FRANCISCI Pectore,
elegantè æstuat,

Cui Cælestia, Angelicis notanda pennis, in Varniensi sublimasti Sacratio
Ac idèò totus Orbis, agnoscit Te *Angelum DEI* esse:
in cuius illuminatione cordis,
velut in Throno Angelorum,
placidissimè *DEUS* quiescit.

Noveras etenim o PRINCEPS, quod & compleveras,
quia duo sunt, quæ ab Egregijs Principibus spectantur:

Sanctitas Domi:

foris, domesticæ Sanctitatis exemplum.

Princeps siquidem est Imago & exemplar DEI in terra.

O verè iustum & Legitimum PRINCEPEM!

Qui summò præcellens fastigiò, non magis magnus,
quàm bonus haberi desiderabas:

duasq; res diversissimas, potentiam ac modestiam miscebas:
Quali præesse & prodesse, Virtutis unum esse Adamantem,
& Unionem Regni demonstrasses:

Cujus divisio eò impossibilior,
quò fortior Virtutum còadunatio.

Nec præest Corona, si caput desit aureum:

Nec tiara ponderatur, si sudorum coralijs non sit onusta.

Nec imperant Sceptra, si non stricta comprehendantur manu.

Nec Reges regnant, si Regno careant.

Sed quis cecidit? Tuo suffultus pedit,

quis erravit? Tua prælucente tiara.

Agnoverunt è Pontificali Cathedra loquentem

Verum Pastorem, veræ Oves.

Nempè Te tonante, fluentes oculorum imbres,
saxea cavabant corda:

dilu.

diluviumq; devotarum mentium, atra diluebat crimina.

Audierunt sua Hæreses fulmina !

Suosq; Orthodoxa Ecclesia militans triumphos.

CRUX Tua Avita,

In Tiara, sollicitæ patuit Oculus Providentiæ,

quo Prospiciente,

Et Ecclesiæ còoperta Gloria,

& impleta Patriæ Bonitas.

In Purpura, Indumentum fuit honestatis,

A Qua, dum Regnum decoris Tui, egregium accepisset Ornamentum,

Nuda in eo, sola remansit Veritas.

Stolam tamen meruit primam,

Vitijs exspoliata Patriæ Virtus.

In pedo Pastoralis, CRUX Tua, præfuit Regni Virga,

qua vigilante, vitia tremebant,

qua præcedente, errata corrigebantur.

In Annulo Pontificio, CRUX Tua, gemma resplenduit Sanctimoniam,

qua serenante, effusa aruerunt corda:

qua scintillante, vitiosi excæcabantur oculi:

qua benedicente, mentes sanctificabantur.

Ita Purpuram induisti,

ut nullæ eam exedentes detrahere valeant tineæ.

Ita tiaram gestas, ut omnibus emineas.

Sed & nunc CRUX Tua, in Primatiam Pro-Regis evecta

Thronum, Archipræsuleâq;, Signata, Tiarâ: quid est ?

nisi nativa emeriti Tui Capitis Eminentia.

Altiùs enim Te efferre non potuit POLONIA,
nisi in Primum, Summumq; PRINCIPEM,

Qui primis, summisq; Virtutum vestigijs,

maxima Principum potitus fastigia.

In supremum POLONIÆ evectus es Principatum!

Et tamen adhuc Principales meritorum supersunt gradus.

CRUX Tua gloriosa, à pectore pendens Archi-Præsuleo,

Primum est cor Regni, firmumq; Reipublicæ pectus.

Et benè !

Summa dignitas Annulo Tuo subarrhatur Pontificio;
quoniam primam Ecclesiæ ac Regni promeruisti desponsationem.

Benè Pro-Regio coronâris diâdemate;
 Primatialiq; Principum vestiris Purpura;
 Virtus etenim, sub ponderosa CRVCIS Majestate,
 nisi coronata, nisi purpurata debet incedere.
 Aliorum Fasces, cæca oberrat Fortuna,
 Ast in Tua benè persistit CRUCE:
 quoniam visum accepit, à Lumine gloriæ CRVCIS Tuæ,
 in Qua Summos illos veneratur Capitem Apices,
 qui non sorte sed meritis sunt elati.
 Brachia CRVCIS Tuæ, sunt *dextera* fortitudinis dexteræ:
 adeoq; ignorant & nesciunt sinistram Fortunæ manum.
 In CRUCE Tua, volubilis arcetur fortunæ Rota;
 quoniam Te nullus exivit impetus gloriæ.
 In alijs honoribus, vitiosum fecerit circulum;
 Ast in CRUCIS Tuæ Diametro,
 perfectam immortalis coronavit Coronæ Sphæram.
 Numinis Hospitium CRVX est, & Numinis Ara,
 Est conclave DEI, POTOCIANA Domus.
 Pontificis zelus, Pietasq; hac ardet in Ara,
 Hostibus ut rutilent ignea tela Iovis.
 De CRVCIS hoc Solio, panduntur fœdera Regni,
 Vnde salus Regni, & Pax benè tuta patet.
 Regnorum Paries, CRVX est, & murus Ahænus,
 Vexillum Regum, præcipuumq; decus.
 Non potuit digniores Mars Polonus metere laureas,
 quam in potentissima dextera.
 Illustrissimi ALEXANDRI POTOCKI,
 PALATINI SMOLENSCENSIS,
 FRATRIS TVI,
 Qui Macedonum fortitudine validior,
 non aliâ, quam PATRIS sui victoriâ, vincere doctus.
 Dux invincibilis Armis.
 Cujus in fortitudine, firma Reipublicæ securitas,
 certa; decertantis Patriæ salus fuerat.
 Totus erat Patriæ Clypeus, Columnenq; decorum;
 Fortia pugnarunt brachia nempe CRVCIS.

Sed à Domino Exercituum, ad Cælestem vocatus Cohortem,
Obtulit arma CRUCIS, cumulans sua bella triumphis.

Eamq; in Progenie sua, magnificandam reliquit fortitudinem.
Vnde POTOCLIVS, Capitaneus SZCZERZECENSIS,
trita PATRIS vestigia secutus Virtutum,
per magnum meritorum ascensum,
Curules & trabeas, pridem suo devicit honori.

In Illustrissimo autem PETRO POTOCKI,
PALATINO CZERNIECHOVIENSI,
F R A T R E T V O

firmissimum Ecclesiæ ac Patriæ robur veneramur:

quod huic Petræ insculptum,
nullæ sæculorum Plejades excavare,
nulla Orionis tela valebunt infringere.

In hac Patriæ Petra, Solæ Patriciæ secures,
& gladij acuuntur Pompeij:

Vnde hostilis Armatura, stabit attonita, ad hoc Regni Antemurale:
videbitq; quia P E T R V S,

Viribusq; egregijs & firmo pectore præstat.

Illustrissimus STEPHANUS POTOCKI,
Supremus Regni REFERENDARIUS,
F R A T E R T V V S,

Aureum os Regni:

Cujus in pondere vocis, Auris inclinatur Reipublicæ.

Hæreditariô Reginæ Eloquentiæ dotatus imperiô,
ut possit Regnum ex ore mereri:

Tullius eloquiô: *Cujus sub fure, Togaq;
Fustitiæ vigiles metuit Catilina secures.*

Pretiosas etenim facundiæ gemmas,
tam in Nominali STEPHANI Corona,
quàm in Regali nitentes diademate
Lechicus æstimat Orbis:

quasi à coronato STEPHANI Capite,
CORONA Regni, novum induerit pretium.

Hæc copiosis alveis, à Magno PARENTE,

diffunditur in labia Filij sui,
Illustrissimi JOACHIMI POTOCKI,
CAPITANEI TREBOWLENSIS:

Cujus teneram frontem, imperterriti Hectoris animò indutam,
Mars ipse Polonus considerabat attonitus.

Et Pallas audiens Tritonia,
Gloriabatur Minervæ suæ **PRINCIPEM** invenisse
graviorem Catone:

postquam pusillus hic Alcides,

Qui in Cunis magno jam Fove dignus erat,

Lechici Sustentator Orbis æstimaretur futurus.

Ita Sereniss: Regem AVGVSTVM II salutavit;
quasi secundissimas vertici suo Vates prædixisset Coronas.

Sublimis est Hic Aquilæ Polonæ pullus,

In Regio Solis prospectu, suorum Speculator fascium:

Seu Pulcherrima Lucis Aurora,

Majora prænuncians **POTOCIANÆ** Domui Lumina.

Ita eruditis ingenij gratijs abundans,

quasi illum in cunis, velut in Cathedra, Pallas erudijisset,

non posse, nisi ab Apollinis subsellio, in Senatorum evolare Curules:

nec titulorum splendores posse nitere, sine eruditionum Lumine.

Princeps Orator, Patris non degener Oris

Dixit, & Orbis ait: Studij primordia Vestri,

Vix meruere senes: Lauris accresce Paternis.

In Cælestem Prospectum abiit Domus **POTOCIANA:**

In qua, pulcherrima siderum ornamenta,

post occasum suum sereniora terris illuxerunt.

Illustrissimus AVUS TUUS,
STANISLAUS POTOCKI,
PALATINVS BRACLAVIENSIS,
Illustrissimum STEPHANUM POTOCKI,
PALATINVM BEŁZENSEM,

Cælo Lechico Solem reliquit:

Cujus

Cujus Nutibus, Aquila Regia, ita manet infixæ;
quasi illius quondam magni Sideris
Illustrissimi STANISLAI POTOCKI,
PALATINI CRACOVIENSIS,
& Ducis Generalis Exercituum Regni,
præsentem adhuc spectaret faciem:

à Qua, ingentes refulserunt radij:

Illustrissimus ANDREAS POTOCKI,
CASTELLANVS CRACOVIENSIS,
Et Illustrissimus FELIX POTOCKI,
CASTELLANVS CRACOVIENSIS,
& Dux Generalis Exercituum Regni,
Qui Aemilijs Romanis similes, Scipionum fascibus sunt inserti,
ac à mortalibus ad immortales vocati coronas.
Nam ANDREAS, in CRVCIS Clava, Dux fortissimus,
nomine & omine *nulli cessurus in armis*:

Turcarum Domitor, hostium ruinas, cladibus implevit,
Patriæq; Defensor, Regni triumphos, victorijs auxit.

ANDREAS Hic, ad *Camenecum*, terribilis erat
ad *Portam Othomanicam* Annibal:

E sanguine Getico, non aliam fortitudinis progeniem,
quàm victoriæ suæ partum accepit.

Inexpugnabile, CRUX ejus erat ante *Viennam*, Propugnaculum,
In quo, & fidei securitas, & Robur latebat Patriæ Christianæ.

Nam per illum CRUCIS Tubum, Speculator Orbis,
jam pallore, jam rubore suffusam Turcicam deridebat Lunam.

ANDREÆ CRUX fortis erat, tum dextera fortis,
Turcica, quæ, fregit titubantia cornua Lunæ,
Sustentans Orbem Lechicum, fortissimus Atlas.

Porro ANDREÆ fortes animi dotes, in Filium accrescentem
transfunduntur.

Illustrissimum IOSEPHUM POTOCKI,
PALATINVM KIIIOVIÆ,
Varfaviensem, Lezayscensem Capitaneum,

Tribunalis Regni Supremum Judicem & Mareschalcum.

Qui in Triumphali CRUCIS clava,
tot victorijs feroces còercuit Hannibales,

quot Fabios maximos præsentedavit in Acie.

Tarquinio in Magnificentia compar,

Trajano in Munificentia æqualis.

In CRUCIS Libra, Astrææ Genius Themidis:

Iustitiæ Cultor, rigidi Servator honesti:

Qui recto dextroq; gerit cum pondere lancem:

gravissimorum suorum meritorum pondus,

pridem Æstimationi Regni comprobavit:

Nam & Æquitas Reipublicæ, in Statera benè merentium,

dignitatem ejus, ita ponderavit,

ut JOSEPHVM, Augmentum decoris Regni proclamaret.

JOSEPHUS, Gloriâ crescens mundi Poloni,

qui Patriæ fasces, proprijs nutrit honoribus:

Ex connubiali cum Illustris: LESZCZYNSKA,

Palatini Podlachiaë Diana,

lucidissimū Lechicis sideribus genuit Phosphorum,

Illustrissimum STANISLAUM POTOCKI,

CAPITANEVM HALICIENSEM:

ut succedat in Apogæum honoris, illius magni quondam Sideris,

STANISLAI POTOCKI,

CAPITANEI HALICIENSIS,

Qui Turcicas expulsurus tenebras,

dum in sanguineo occubisset ante Viennam Oceano,

clarius post nubila mortis, exortus est Phœbus.

STANISLAVS, non tantum suos ad vitam revocat gloriæ Manes;

sed & multorum est Resuscitator animorum,

in arenam & pulverem Martis, pro fide.

Noverat hic Belliger animus,

Dulce & decorum esse pro Patria mori,

Occasumq; unius, ortum esse alterius honoris:

Et

Et quamvis morte cæsus, Marti tamen non cæsit;
 quia ex relicto spiritu ejus, salva vivit Polonia.
 Per Vmbram Mortis, Lumen Gloriæ delineavit æternæ.
 Clarissima etenim Majorum Lux,
 in umbras noctis, nullatenus ita desinere potest,
 ut non novum gloriæ pariat diem.
 Ex campo Sangvinis, uberem Regno reliquit gloriæ Messem:
 Vt ex imbrifera scilicet nobilissimi Sangvinis inundatione,
 velut ex pulcherrima meritorum fæcunditate,
 Martius effloreat Campus,
 assurgatq; Celsissimus immortalis gloriæ Colossus.
 Cujus Pugnanti audaciæ, nihil fuerat inexpugnabile:
 Cujus opus fortitudinis, omne fuerat coronandum.
Audentes DEUS ipse juvat, stimulatq; coronis.
 Nec immemor tantæ gloriæ, Orbis Lechicus,
Pro Regni votis (Ejus) in CRUCE vota facit.
 Sed vix laudum POTOCIANÆ Domus aggressus initia,
 revertor ad Felix Poloniæ sæculum,
 sub Illustrissimo FELICE POTOCKI,
 CASTELLANO CRACOVIANSI,
 & Generali Exercituum Duce:
 Quo manu ductore, quia Respublica feliciter ducta est,
 Ipse ad perennem à Domino Exercituum,
 deductus triumphum.
 Ex cujus connubiali, cum Illustrissima LVBOMIRSKA,
 PRINCIPVM PVRPURA,
 Nativi Reges effloruerunt.
 Illustrissimus MICHAEL POTOCKI,
 NOTARIVS REGNI,
 ex rebus egregiè gestis, fortunatissimò notatus calculò,
 Qui CRVCIS in Statera, ponderans Regni dignitatem,
 Libro vitæ Republicæ, nonnisi primos Domus POTOCIANÆ,
 honores inscribere debet,
 tanquàm prima in Annalibus rerum gestarum voluminibus,
 Libri Capita legenda.

Dumq; ruinas Patriæ expunxisset;
hostium arma proscripsit.

Illustrissimus JOSEPHUS POTOCKI,
PRÆFECTUS Excubiarum Regni,

vigilantissimus fuerat integerrimæ Innocentiæ Regni Custos:
ac licet insomnes noctes, ad quietem transtulerit æternam,
tamen adhuc in umbra mortis,

inter Procerum sidera,
Mors illius, Lunâ clarior.

Illustrissimus STANISLAUS POTOCKI,

PRÆFECTVS Excubiarum Magni Ducatus Lithvaniæ,

Fortiores ad arma vires armaturus,

Lithvano Clypeo, Patrium adjunxit CRVCIS emblema:

quatenus hostibus,

ipso Priscæ Imaginis aspectu,
terrorem, mortisq; somnium incutiat.

Illustrissimus GEORGIUS POTOCKI,

CAPITANEVS TLVMACENSIS,

inter Russiæ Proceres, illud vivum gloriæ spectatur Theatrum:

Cui plures honorum debentur Aræ,

quàm à Lacedæmonijs *Polidora*, à Romanis *Viellio*.

Offert insuper aureas POTOCIANIS Capitibus Coronas,

P A N N O N I A,

ob Serenissimorum Hungariæ Regum,

CAROLI & ELIZABETHÆ,

vindicatam à conductis Sicarijs vitam,

in Defensore gladio

Illustrissimi quondam JOANNIS POTOCKI,

Qui non alterius Sangvinis Purpuram,

quàm sui generis tuebatur ornamentum:

nec pro alio, quàm pro suo corpore, pectus opposuit.

Regius enim Sangvis, IOANNIS erat decor;

qui cum Ducali MVHILARVM stirpe,

per Purpurati Sangvinis venas,

à Ro.

à Romanis Mutijs, in Regales Hungariæ Trabeas effunditur.

Imago Sangvinis hujus venustissimi,
egregium addidit decus, in Majestuosâ propagine,
Illustrissimi quôdam STEPHANI POTOCKI,
PALATINI BRACLAVIENSIS,
GENERALIS Podoliæ, NOTARII Regni,
& MARIÆ MOHILANKA.

Benè exactus gladius, in vindicias ruit suarum Majestatum!
sitiverat enim præoptimo fervore zeli gloriæ Domus suâ,
undè pessimum licet exhausserit ex Parricidis sangvinem,
suo tamen generi sensit conducibilem:
fataliq; ex lucta, & agone Regni,
immortale Nominis sui reliquit certamen.

Vniq; IOANNIS Gratia, Gratiarum omnes sunt obstricti fasces.

Sed & Magnanima Regnorum Regina,
Illustrissima SOLTIKORUM Aquila,
ab Oriente & Aquilone Volitans,
non tantùm Serenissima MOSCHOVIÆ Imperia,
verùm etiam, Celsissimas Domus POTOCIANÆ Majestates,
fideribus æquat.

Regalibus, Regni Poloniæ, Aquilis manum dedit;
quia Regijs duobus, Principem tertium addidit gladium:
ut non tantùm terna POTOCIANA CRUCE,
sed & terna Regni gladiò

Victrix triumphet Polonia.

Antiquissimi Purpuratorum Procerum Sangvinis, Aquila est;
undè gravissimò meritorum Senio, in altâ provecta Curules,
in POTOCIANVM sese demersit Eridanum,
ut sublimiores illius, ex hoc Principum Archipelago Genij,
& novæ denuò, emeriti volatus renascantur pennæ.

Sidus est Cæleste,

Alâ dexterâ, Lechicum protegens Orbem.

Lucido licet Solis delectetur fidere;

Torvo tamen aspectu, Othomanicam despicit Lunam:

Nam omnes Serenissimi Regni noctuas arcet,

H

quæ

quæ Illustrissimos honorum dies,
& Spectabiles Gloriæ annos,
nesciunt intueri:

Ortumq; meritorum, immeritâ claudunt pupillâ.

Sed quis calamus POTOCIANIS Numinibus,

pro gloria tantæ Domus, dignas exarabit aras?

In hoc terrestrium Deorum divino Sacrario,

sub uno Ternæ CRVCIS Lumine,

licet eruditæ desudent frontes,

non tamen illius comprehendere valent altitudinem,

quæ gloriæ fastis super erecta est.

CRVCEM hanc Avitam, inter Regni viscera,

vitam & cor esse, concludunt Philosophi.

Agnoscent & Geometræ, quia Avitæ CRVCIS diameter,

jam pridem meritorum immensitate, circulos orbis excessit.

Apollini nihil gloriæ fingere licet; nisi ea rerum egregiè

gestarum adinvenire præconia,

quibus Regnorum celebrantur Numina.

Aritmetici, nullos honoribus subtrahere,

multiplicatos autem in immensum, Orbi præsentare possunt

POTOCIOS:

Qui in Senatorum ordine, innumerabiles habent

gloriarum additiones.

Extra supputatas meritorum summas,

Sub Serenissimis ac Invidissimis Poloniarum Regibus,

SIGISMUNDO III, & IOANNE III,

Duo Pro-Reges, & Sexdecim Exercituum Duces,

Reges & Regnum coronârunt triumphis:

Scilicet hos Magnos Magni fecere triumphis.

Hi Legum Patriæ Custodes, Argô fuere sagaciores:

Quis plusquàm centum meritorum Luminibus, Lechico præluxere Polo.

Hi Leones Regalium Majestatum,

adhuc apertis oculis, è siderum Solio,

integritati Regni prospiciunt,

Cundisq; Reipublicæ invigilant periculis.

Suntq;

Suntq; ad Solstitialia cāpita,
 Eminentes, ultra Quæ, Regnorum nequeunt ascendere Coronæ.
 Tu verò fiderum PRINCEPS, Sol es:
 Cujus Zelus & ardor boni publici,
 dum in signo Leonis BENEDICTINI resplendet,
 Serenissimum Religioni aperis diem:
 ast fortissima minaris in hostes Ecclesiæ, fulmina.
 Vide PRINCIPUM CELSISSIME!
 Quanti in Primatiali Tuo Pro-Regis Sceptro
 fulgeant Scipionum honores?
 Quanti Archi-Præsuleis in Mitris,
 gloriæ emineant apices?
 Quantæ, in Annulo Pontificio, radient Coronæ Regni Adamantes?
 Quanti, in Avitæ CRVCIS signo, numerentur triumphus?
 Tolle CRVCEM Tuam Primatiale,
 Majoribus attollendam culminibus:
 Nos nostram subjectionis Trabem,
 Trabeæ Tui subijcimus honoris:
 Ut à Benedicta CRUCIS ABUNDANTIA,
 quæ denuò BENEDICTI Filij regenerare videtur gloriam,
 tanquàm à nativa Trinarum gratiarum perfectione,
 magis benedicamur *Benedictini*.
 Restat, ut & meritis, annorum sæcula vincas:
 Et CRVCIS in signo, signes sine fine triumphos.

O D E

*I*Nteaminatos Roma Quiritium
 Submitte fasces: Troja Curulium
 Submitte colles: Principumq;
 Purpureas Trabeas, Ducumq;
 Clavas potentes. Mars sua deferat
 Vexilla Regum, Sceptraq; Regia,
 Palmasq;, laurosq;, & triumphis,
 POTOCLÆ Procerum coronet

CRUCIS Trophæum. Cujus Imagine,
 Frontes Heroum, Gloria comprobat :
 Quorum minaces atq; torvos
 Bistona Luna nequit tueri
Vultus. Tremebat totaq; palluit;
 Postquàm repleti terga tumescere
 Spectasset Istri, & fluctuantem
 Hauserat in Getico cruore
Pontum. Vagantes cujus in Annibus,
 Inuicta semper **POTOCII** manus,
 Submersit omnes Principatus,
 Littora tum **CRUCIBUS** reclusit.
 O quem fluentes Pleiades gravem
 Luctum pluebant! & queruli satis
 Noti gemebant fracta Luna
 Cornua: tum cecidisse stellas
 Ab Axe Thracum. Nam gladius **CRUCIS**,
 Succidit Ultor, colla tumentium,
 In hostium demente crista,
 Tarquinijs meliore clava.
 O Magne **PRINCEPS**, Cui meritis parem
 Videbit atas! Patricios, Cyros,
 Pompeios, & Scipiones,
 Aemilios, superas triumphis.
 Regale Sceptrum, Regia Gloria,
 Regni Corona, & Purpura Principum,
 Martisq; campus, Sors Polona,
 Nonne Tuis meritis triumphat?



COLOSSI IMMORTALIS GLORIÆ INSCRIPTIO III.

*Nuncupatio Votorum, coram Altissima CRVCIS POTO-
CIANÆ Ara, in votis & precationibus
Regij Archicænobij Lynecensis.*

NOMINIS excelsi, Cultores, stamus ad Aras;
Scilicet ante *Crucis* Labarum, Quo Regna triumphos
Expandunt: Lechicoq; Polo victricia signa
Mars infert victor, generosus ab agmine belli:
Par Constantino Magno, sed *Major* Achille,
Viribus invictus, firmisq; potentior armis
Pompejis: gemini compescens limina Iani,
Et Patriæ, placidæ concludens fœdera Pacis.

Hostibus in *Crucis* hac Ara. metuenda coruscant
Fulmina: Regales Aquilæ quibus, axe superbas
Turcarum Portas, & cellas vertice turres
Dejiciunt, cristas, galearum tegmina frangunt:
Sulphurei, plenis concursant ignibus, ignes,
Et Iovis irati monstrant in Cornua Lunæ
Prospectum, totumq; polum fœvire Polonum,
In Geticas Acies: ut constet quòd moderetur
Cum Iove divisum Regina Polonia Regnum.

Hoc Anathema damus, damus irrevocabile *Votum*;
Floreat ut palmis CRVX Hæc, laurusq; triumphet:
Ex cujus ramis, excrescant Regis Sceptra;
Reginæq; Rosæ, Procerum clavaeq; potentes:
Pontificum *Violæ*, tum Principum amæna propago,
Cæsarum & in Solium, consurgant aurea poma.


Tertia Parsq; *Crucis*, summas quoq; claudat honores.
Nosq; Rosis Benedictinis distingvimus Aras,
Quales parturijt BENEDICTI Gloria Patris;
Ex quibus, alma Tuis neçtentes ferta triumphis,
Spargim9 ante CRUCIS Solium: nostrumq; LEONEM
Sistimus; ut torvis oculis speculetur in hostes,
Atq; Tuos fasces defendens ungve potenti,
Excubet ante Thronum *Pro-Regis*, Sceptraq; seruet.
Maxima POTOCLÆ Domui sit gloria semper!
Impleat atq; DEI, totam Benedictio tota;
Vt præsit Regnis, Regum teneatq; coronas;
Et CRVCIS in signo, pateat victoria plena.



ti
e,
M
o-
m
o
es
er
ne
a-
ur

lo
c-
y-
ti-
c-

卷之五



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

